

ADMINISTRACIÓN LOCAL

MUNICIPAL

BERGONDO

Secretaría

Convocatoria do XIII concurso de marca-páxinas e o XIX certame literario, Bergondo nun conto.

ANUNCIO

Asunto: convocatoria do XIII concurso de marca-páxinas e o XIX certame literario “Bergondo nun conto”

Por esta alcaldía emitíuse a resolución de alcaldía 239/2018, de data 23 de marzo, que transcrita literalmente di:

APROBACIÓN DAS BASES QUE REXERÁN O XIII CONCURSO DE MARCA-PÁXINAS E O XIX CERTAME LITERARIO “BERGONDO NUN CONTO”

Visto o informe- proposta da concelleira delegada de Cultura, Ensino e Deporte do Concello de Bergondo (A Coruña), Patricia Vázquez Figueroa, con data 22 de marzo de 2018, onde constan as bases do XIII Concurso de marca-páxinas e do XIX Certame Literario “Bergondo nun conto”, correspondentes á XIX Semana das Letras Galegas, e segundo o establecido no artigo 21.1 da Lei 7/85 do 2 de abril, reguladora das bases de réxime local, RESOLVO:

Primeiro.–Convocar o XIII Concurso de marca-páxinas e o XIX Certame Literario “Bergondo nun conto”. Neste concurso entregarase un agasallo por participante e un premio por modalidade. Se unha mesma persoa participa no certame e no concurso só se lle entregará un agasallo.

Segundo.–Aprobar as bases que rexerán este concurso e certame, propostas pola concelleira delegada de Cultura, Ensino e Deporte do Concello de Bergondo, Patricia Vázquez Figueroa, con data 22 de marzo, que se transcriben a continuación:

XIX CERTAME LITERARIO “BERGONDO NUN CONTO”

1. Hai catro categorías:

- Educación Infantil e 1.º ciclo de Primaria.
- 2.º e 3.º ciclo de Primaria.
- Secundaria.
- Adultos.

2. Versará sobre a seguinte temática: Filomena Dato.

3. Os traballos presentaranse en formato DIN A4, formato narrativo ou poesía, a man ou mecanografados.

XIII CONCURSO DE MARCA-PÁXINAS

1. Hai catro categorías:

- Educación Infantil.
- Educación Primaria (1.º, 2.º e 3.º).
- Educación Primaria (4.º, 5.º e 6.º).
- Educación Secundaria e adultos.

2. Deberá gardar relación co Día das Letras Galegas ou coa autora homenaxeada: María Victoria Moreno Márquez.

3. O marca-páxinas pode presentarse en diferentes formatos.

- Altura: mín. 10 cm/ máx. 20 cm
- Anchura: mín. 4,5 cm/máx. 8 cm
- Marxe mínimo en todo o marca-páxinas de 0,5 cm

4. Pódense realizar a man ou ordenador, preferiblemente en cartolina.

BASES COMÚNS DO CONCURSOS

1. A participación supón a total aceptación das bases.
2. Presentaranse con todos os datos na parte posterior: categoría, nome, enderezo e teléfono.
3. Poderá participar calquera persoa maior de 3 anos empadroada no concello de Bergondo ou que curse os seus estudos no C.R.A de Bergondo, no C.PI. Cruz de Sar ou no CPAP de Bergondo.
4. Os traballos deben estar escritos en lingua galega e deberán ser orixinais, inéditos e non premiados.
5. A entrega realizarase na Casa de Cultura ou na Senra, sendo a data límite de entrega o venres 27 de abril de 2018.
6. Todos os traballos dos concursos expóranse no edificio cultural A Senra durante o mes de maio, coincidindo coa festividade das Letras Galegas.
7. Despois da entrega de premios todos os contos encadernaranse e estarán na aula de lectura da Senra a disposición de todos/as os/as usuarios/as.
8. O xurado estará formado por 3 empregados públicos designados polo Concello.
9. O fallo: a deliberación do xurado será en segredo, e delas estenderase a acta correspondente. O xurado emitirá os fallos nun máximo de cinco días hábiles a partir da data límite de entrega dos traballos.
10. Haberá un premio por cada categoría. O xurado poderá declarar deserto calquera deles no caso de considerar insuficiente a calidade dos traballos presentados.
11. Todos/as os/as participantes recibirán un agasallo.
12. A organización resérvase o dereito a publicar os traballos premiados. Neste senso os/as autores/as renuncian a calquera tipo de remuneración económica.
13. O xurado está facultado para tomar a decisión que considere oportuna ante a aparición dalgún imprevisto non recollido expresamente nestas bases, a participación conleva a aceptación de todas elas.”

En Bergondo, 26 de marzo de 2018.

A alcaldesa

Alejandra Pérez Máquez

2018/2354